

E Palazz d'SaJacum

(diario di una visita guidata nel settembre 1997)

Cari amici della “fiera”
 Vô al savì, (l'è propi vera!);
 la festa d’Ross, di “Sett Duler”
 L’an è sol zugh, magné e culur,
 mo spettacul e cultura
 par Ross e par qui d’fura.
 In ste brudet d’iniziativ,
 quand la festa l’è in te viv,
 un s’po’ d’zerta critiche
 la Pro Loco e e su uparé
 ch’la fa e pusebil par mustré
 e patrimoni d’la zité.
 E prugrama d’cl’a giurneda
 e prupuneva una visita guidata
 a e palazz di cont Raspò
 a lé, propi sota a e fiò.
 Da tabac, tanti volt ai sera andé
 mo mai um’era capité
 d’puté andé detar pr’avdé al sél,
 senza fe quaiquel ad mél.
 Che palazz un’aveva un grand valor
 un’e puteva abité un sgnor!
 L’era ad dò Basei l’abitaziò
 (e paruc d’cla zent de fiò)
 e pu aloz par zent furesta
 ad reputaziò no trop unesta.
 In tla cort, dnenz a la Cisa,
 un gros parsunagg, senza divisa,
 l’era Ravaia, dla “pro Loco”,
 cicerone non da poco,
 cl’istruveva un grop d’curius
 atiré da chi rest glurius
 in do che i nobil cont Raspò
 is gudeva e fresch de fiò.
 Cut avnes un azident!
 Um s’arvolta i sintiment!
 S’avesuv vest ac fati pittur!
 Carghi d’tent e bel culur.
 Pianè, pianè a camèn
 par guardé tot quanti al scèn;
 par poch an chesch, s’an steg atent,
 in t’un bus de paviment.
 Cum c’aglié beli al pitur d’al mus
 sfuracedi da i fil dla lus!

Acqua, cheld, fred e vent
 ia padruneggié liberament
 acsé afresch, tempa e stocc
 is è arviné tot quent in blocc.
 “Guardi in sta sèla, cum ch’iè bell
 Tor, Blanza, Pess e Gemel!
 E pu cl’etra, cun i quatar cuntinent,
 cun i sembul de liò, aquila e serpent!
 Qué e sufet l’è tot crulè!
 un gné armest piò gnet da guardé.
 Al port i gl’ha rubedi
 e al finestar agl’iè scasedi!
 A què u’iera i dé dla stmana!
 U’siè magné tott la busana!
 Guardì la sò, al vartò teulugheli!
 Aviv vest, cum ch’aglie beli?”
 Me am degh da fé e pu a guerd...
 stasend atend d’no piste al merd
 d’clomb, usell e animel
 ch’ia abité tot quanti al sél.
 Se foss sol pr’al traregn
 e sarebb gnint, nenc sl’è un impegn,
 mo al scrett sora al murai
 agl’iè propri un gros gros guai
 e agl’iè là par dimustré
 i segn d’la nostra inzivilté.
 In t’è palazz un po’ manché
 e bass comod, dla nubilté,
 par sfughé la fantaseia
 sora e tip ad pulizeia
 che la zent d’chi temp passé,
 i druveva par caghé.
 In te pian d’ciora, manch cunservè,
 la “caminiera” dla nubilté
 cun e stemma dla fameja
 di Raspò e dla gianeia,
 mo e bsogna tni e pas curt curt
 par no pisté tott i clomb murt.
 A un zert pont e dis la guida:
 “A que la visita l’è ormai finida!”
 Un resta che andé zò pr’una scaltina
 par turné fura, dri a la cisina.
 Palazz d’Sajacum, Raffanara,
 anche a me, ormai cosa cara,

e se a pinseva a una custruziò senza valor
adess a so cunvent, e cun amor,
che ch'al murai al possa dimustré
che bsogna fé tot e pusebil par salvé
la tradiziò e tutt la storia
dla nostra tera, par memoria